



## **Aningaasaqarnermut Naalakkersuisoq**

### **Aningaasaqarnermut Ataatsimiititaliap suliaq nr. 01.31.06/11-00533 pillugu pingsunngornermi ulloq 25. maj 2011-mi aalajangiineranik Naalakkersuisunut ilisimatitsineq.**

#### **Atuartut inaasa kollegiallu qanoq issusiisa misissorlugit nalunaarsornissaannut aningaasanik nuussineq**

##### **Naalakkersuisut inassutigaa,**

- konto pingaarnermi 84.40.15 Ilinniartut inaannik sanaartorneq-mi suliaq nr. 996.52.066 Atuartut inaasa, kollegiat illoqarfinnilu atuarfiit qanoq issusissaat misissorlugit nalunaarsorneqarnissaannut aningaasaliissutit 2,5 mio. kr.-inik qaffanneqassasut, aamma
- konto pingaarnermi 87.00.88 Nunaqarfinni isorliunerusunilu sanaartortitsinissamut pilersaarutit-mi suliaq nr. 996.29.105 Nunaqarfinni isorliunerusunilu sanaartorneqarnissamut pilersaarut, 2009-mi aningaasaliissutit taamaaqataanik 2011-mi 2,5 mio. kr.-inik appartinneqassasut

##### **Aningaasaqarnermut Ataatsimiititaliap oqaaseqaatai**

Nunatsinni ilinniartut atuartullu inaasa qanoq issusiat pillugu ataatsimut nassuiaammik suliaqarnissaq siunertaralugu atuartut inaasa, ilinniartut inaasa illoqarfinnilu atuarfiit qanoq issusissaannik misissuilluni nalunaarsuinissap aallartinneqarnissaannut aningaasanik atugassiinissaq suliami matumani Naalakkersuisut qinnutigaa. Tamanna pivoq 2010-mi upernaakkut ataatsimiinnermi immikkoortoq 35-imik Inatsisartut akuersissutiginninnerat tunngavigalugu (UPA 2010/35).

Tamanna Aningaasaqarnermut Ataatsimiititaliamit ajorineqanngilaq.

Nunaqarfimmili atuarfiit nalunaarsuinissamut ilanngunneqarsimannginnerat ataatsimiititaliamit maluginiarneqarpoq. Tamanna naapertuunnersoq ataatsimiititaliap qularaa. Taamaattumillu nunaqarfinni atuarfiit suliniummut ilanngunneqassanersut qanorlu annertutigisumik tamanna pissasoq isumaliutigeqqullugu Naalakkersuisut ataatsimiititaliamit **kaammattorneqarput**. Tamatuma saniatigut atuartut inaasa perorsaanermik siunertaannik qaffassaanissamik siunertap, UPA 2010/35-imi ersersinneqartup nalunaarsuinerup suliarineqarnerani aamma ilanngunneqarnissaa ataatsimiititaliamit **kaammattuutigineqarpoq**.

##### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Aningaasaqarnermut Ataatsimiititaliaq sinnerlugu

Olga P. Berthelsen  
Aningaasaqarnermut Ataatsimiititaliap siulittaasua